



COOK ISLANDS CHRISTIAN CHURCH

Executive Council

Head Office Phone: 26546 Fax: 26540 Email: adminpub@oyster.net.ck P.O. Box 93, Rarotonga, Cook Islands

~~~~~

4 Aperira 2007

- ✓ Ki te au tavini rave angaanga katoatoa i roto i te au Ekalesia CICC i te Kuki Airani nei, Nuti Reni, Autireria e Tahiti
- ✓ Ki te au mema CICC katoatoa i roto i te au Ekalesia tatakitai
- ✓ Ki te au taeake ma te au tuaine i roto i te akarongo

### **NUTI LETA NUMERO 11 MEI TE OPATI O TE CICC, TAKAMOA**

Kia orana,

Te rekareka nei au i te tuku atu i te pepa akakitekite i runga nei ma tona vavai'anga i raro nei:

#### **Vavai'anga**

1. Akatomo'anga
2. Akanoonooanga no te Tauiana Orometua
3. Akapouanga Moni no te Tauiana Orometua
4. Orama (Vision) o te CICC
5. Akateamamaoanga no te Uipaanga Maata
6. Porokaramu no te Uipaanga Maata
7. Au Taeake i Vao Ake i te CICC te ka Patia ki te Uipaanga Maata
8. Tuatua Akamatakite no Runga i te Maki Dengue
9. Akapapaanga Moni
10. Ra Taeanga Evangelia i Tongareva
11. Ripoti a te Au Ekalesia ki Roto i te Uipaanga Maata
12. Akapapaanga Tuatua no te au Vaeau o te Atua
13. Popani

- Annex I:** Background Information for Participants to the CICC General Assembly  
**Annex II:** Programme of the CICC General Assembly  
**Annex III:** Format for Reports by the Church Branches  
**Annex IV:** Profile of Papa Kapu & Mama Tangi Joseph

Otira ua, .....

  
Nga Mataiao  
Tekeretere Maata

# NUTI LETA NUMERO 11 MEI TE OPATI O TE CICC, TAKAMOA

(Akapapaia e Nga Mataio, Tekeretere Maata, CICC)

## 1. AKATOMO'ANGA

Ei akatomo ia tatou ki roto i te rua o te nuti leta no teia mataiti, teia te reo Apii Sabati numero 286 i te irava mua:

Ko tei anoano aere ua mai  
E karere teia no te rangi mai  
Tera mai te reo, reo mana rai  
Ko tei anoano rai

Kia orana akaou e taku au taeake rave angaanga i roto i te Atu, pera kotou e te au mema i roto i te akarongo, to kotou au tokorua e pera te anau katoatoa. E tau ia tatou kia akameitaki i te mana katoatoa koia tei oronga mai i teia tikaanga manea kia aravei akaou tatou na roto i teia pepa akakitekite no te 11 o te taime, e no te rua o te taime i teia mataiti ou 2007.

Me e au nuti ta kotou tei anoano kia tauruia ki roto i teia au tataanga ki mua, tuku mai kiaku me kore ki to tatou opati i Takamoa. Kia tika katoa kia akatotoa iatu teia karere ki to kotou au taeake kia kite katoa ratou i te tupu nei i roto i ta tatou akonoanga CICC. Ko kotou kare i kite ana i te au nuti leta i mua atu e kua anoano kotou kia kite, aravei atu i te Orometua o taau Ekalesia me kore akakite mai kiaku; ka rauka oki te reira au nuti leta i te tuku iatu na runga i te emere (email).

## 2. AKANOONOANGA NO TE TAUANGA OROMETUA

Mei tei akamarama iatu i roto i te nuti leta numero 10, e mea puapinga rava kia marama mai te au Ekalesia katoatoa no runga i te tuatau e tau ei te au Orometua. Teia ireira te akanooanga ta te kumiti akaaere i akaoti tei ripoti katoa iatu i roto i te nuti leta 10:

- i. Me oti te uipaanga maata, ko te au Ekalesia e kua papa ratou i te ariki mai i to ratou Orometua ou, ka tomo tika atu te Orometua ki roto i te reira Ekalesia. Teia oki te aiteanga, kare aia e oki ki tana Ekalesia i mua na, oki akaou mai ei ki tana Ekalesia ou. Ko te vaerua maata i konei koia oki te akaiti anga mai i te akapouanga moni no te teretereanga. Tera ireira te aiteanga, ka rave te au veevee aroa anga no te Orometua i mua ake ka aere ei aia ki te uipaanga maata, e pera tona au apinga ngutuare kua oti te reira i te akapapa e kua tuku na runga i te pai tai me kore pairere.
- ii. Ko te au Ekalesia e kare ratou e papa no te akateretereanga i runga nei, ka aru rai ireira kotou i tei matauia i mua na. Koia oki ka aere te Orometua ki te uipaanga maata, e oti oki mai ki roto i te Ekalesia, rave te au angaanga veevee aroa iaia, ka aere atu ei aia, e ka tomo mai ei te Orometua ou.

Teia ireira te ravenga e maru ei, korua e nga Ekalesia (koia oki tei iaia te Orometua te ka akaruke mai, e pera te Ekalesia tei iaia te Orometua te ka tomo mai), me kare i komakoma ake, ka komakoma korua akamata i teia ra, no te akanooanga i te ravenga e maru ei ta korua tauiaanga. Kare oki e manamanata no te au Ekalesia e kare to ratou au Orometua e tieni.

Irinaki au e te maramarama uatu nei teia akamaramaanga. Ringi mai me kare i rava te akamaramaanga.

## 3. AKAPOUANGA MONI NO TE TAUANGA OROMETUA

I te mea e, e mataiti tauiaanga teia i te Ekalesia ta kotou ka angaanga Orometua atu ki roto, te akateateamamao iatu nei ma te akamaara atu i te au akanooanga tutaki i to kotou patete e ta kotou freight allowance no te aere atu ki ta kotou Ekalesia ou.

Teia te au akanooanga no kotou. Na te pute maata e tutaki i te moni patete no te;

- Papa e te Mama Orometua

- E rua (2) tamariki anau tei raro ake te mataiti i te 18. Akamaramaanga: me e toru (3) tamariki anau tei raro te mataiti i te 18, e rua (2) na te pute maata e tutaki, e tai (1) naau rai e tutaki
- **Kare te pute maata e tutaki i te patete no te tamariki kare i te tamariki anau me kare tetai uatu o te kopu tangata e noo nei ki o kotou (mei teia te tu, tamariki angai, are mokopuna, utaro, metua tane, metua vaine, tungane, tuaine). Tera te aiteanga e 4 te numero maata tangata ta te pute maata ka tutaki i te moni patete.** Tetai uatu tangata ta kotou i inangaro kia aru katoa atu ia kotou ki roto i ta kotou Ekalesia ou, kia akakite atu kotou ki te reira Ekalesia, e na kotou rai e tutaki i to ratou moni patete. E ui katoa atu kia ratou me e ture akateretere ta ratou no te maata o te tangata te ka noo ki roto i te kainga Orometua o te Ekalesia ta kotou ka tomo.

Te rua ko to kotou Freight Allowance, ka tutaki te pute maata:

- Freight Kuki Airani ki New Zealand e Australia, New Zealand e Australia, New Zealand, Australia e te Kuki Airani nei e \$1,000.00
- Freight Kuki Airani ua nei \$500

Me kake atu to kotou freight ki runga ake i te moni e akakite iatu nei, naau rai teia e tutaki.

E mea meitaki kia akateateamamao koe i teia taime no toou tauiaanga ki roto i taau Ekalesia ou, kia ngoie e kia maru ua toou tauiaanga, kare e tai'i ki te manamanata o te monikore. Kare te pute maata e tutaki i tetai uatu akapouanga moni patete e te freight tei kore i tau ki te au akanoonoanga e akamaara iatu nei.

I mua na e tauturu ana te pute maata i te tutaki i te au tamariki katoatoa a te Orometua, me kare tetai uatu ta te Orometua i pati kia tauturu iatu te tutakianga moni patete, e pera te au moni freight maata atu i tei akatikaia, na roto i tetai au akanoonoanga akakaioanga moni ki te pute maata. Inara i teia mataiti, kua topiri iatu teia mataara tauturu no te mea kua kiteaia mai te apikepiki i teia tauturuanga a te pute maata, mei te \$12,683 e vai nei rai kare te au tangata na ratou teia akakaio -anga i tutaki mai ake. E aka ruti teia no te akonoanga CICC.

No reira auraka kotou e poitirere mai i teia akateretereanga ou, ko tetai ravenga oki teia ta te kumiti o te moni i tamanako no te akamako i te tu manakokore mai o tetai au papaki tangata i ta ratou akakaioanga moni, na roto i te topirianga i teia mataara tauturu, e pera te angaanga tarau (loan) moni ki te pute maata.

Mei te mea e kua kite koe e ka tai'i koe ki nga turanga i akamarama iatu i runga nei, aravei akateateamamao iatu koe e toou pangika – ka aere te katoatoa ki te pangika no te au patiaanga moni i teia taime e te au tuatau ka aereia e tatou ki mua.

*Tataia e Oki Teokoitu, Mou Moni Maata, CICC*

#### **4. ORAMA (VISION) O TE CICC**

I roto i te uipaanga numero 19 a te kumiti akaaere tei raveia i roto i te marama Noema 2006, kua ariki te kumiti i te tamanakoanga o te Orama o te CICC e ko teia i raro nei:

**To worship and serve God, and to make Jesus known to all people. Ko te akamori e te tavini i te Atua na roto i te akakiteanga ia Iesu Mesia ki te au tangata ravarai.**

Ka tukuia teia tamanakoanga Orama ki roto i te uipaanga maata e tu mai nei kia uriurii e kia akatinamouia e me ko teia i runga nei me ko tetai akatukeanga i teia i runga nei. No reira e mea puapinga kia akara mai te au Ekalesia katoatoa i teia tamanakoanga ma te tuku mai i to kotou manako ki te nga taeake te ka mata mai ia kotou ki te uipaanga.

#### **5. AKATEATEAMAMAANGA NO TE UIPAANGA MAATA**

Kua manako au e, e mea puapinga kia tuku akaou iatu te pepa akamarama ki te katoatoa no runga i te akanoonoanga o te uipaanga maata e tu mai nei, tena tei topiriia mai ki muri i teia nuti leta (**Annex I**). Ko teia pepa akamarama kua tuku iatu ki te au Orometua e te au mata katoatoa ki te uipaanga maata, okotai tuku iatu anga e te nuti leta numero 10 e pera te meneti o te uipaanga maata 2005. No te puapinga o te au akakitekiteanga i roto i teia pepa, i manako ia'i e, e mea puapinga kia kite katoa te au taeake i roto i te akarongo i te paraniia nei no te tereanga maru o te uipaanga. No reira tena na kotou e paunu marie atu i tona puapinga.

Ko te rua o te manako ki konei, ka inangaroia te ingoa o te au Orometua e pera te au mata ki te uipaanga kia tae mai kiaku i mua ake i te ra openga o Me 2007. Pera katoa ki te ngai nooanga o te au taeake, te akapapaia nei te au Ekalesia i Rarotonga nei ka noo kotou. Teia ireira te patianganga, kua kite kotou i te Ekalesia i noo ana kotou ki roto, tuku mai i te reira kiaku kia kore au e tuku akaou ia kotou ki reira. Me e tamanakoanga taau no te Ekalesia tei inangaro koe i te noo no tetai au tumuanga, tuku mai kiaku. Ka noo te Orometua e pera tona mata ki roto i te Ekalesia okotai. I roto ia Tiunu, kua tuku atu au ki te katoatanga te akapapaanga o te au Ekalesia te ka nooia e te Orometua, to ratou au mata e te au taeake te ka patia.

## 6. POROKARAMU NO TE UIPAANGA MAATA

Tena te porokaramu tei oti i te kumiti akaaere e pera te Rarotonga Konitara Ekalesia i te akanoo kua topiriia ki muri i te pepa akamaramaanga, **Annex II**.

I teia atianganga e mea tau rava iaku, i raro ake i te tamaruanga a te kumiti akaaere, e pera te inangaro meitaki o te Rarotonga Konitara Ekalesia, i te oronga atu i tetai tuatua akameitaki ki te aronga akaaere o te Are Ariki (House of Ariki) no teia au tumuanga i raro nei:

- i. Kua akanooia ta ratou porokaramu mua no te akamaaraanga i te 40 mataiti o te Are Ariki, ki te Paraparau 26 Tiurai i roto i te irinakianga e kare e tai'i ki te uipaanga maata te ka raveia tika'i ki Nuti Reni. I te oki anga mai ra te uipaanga ki Rarotonga nei, kua tai'i e kua akatano akaou te aronga angaanga i roto i te opati o te Are Ariki i ta ratou porokaramu ma te manakonakoanga katoa atu ki te akakoroanga o te uipaanga maata.
- ii. Teia ireira ta ratou i rave ei ravenga na te Are Ariki i te takaveanga mai i tana tama u'a ki tona mataoraanga e tana akameitakianga i te Atu i te reira tuatau:
  - ✓ Kua pati mai i te uipaanga maata kia piri atu ki roto i te ra mua o tana porokaramu te ka akamata atu i te ora 2.00pm Paraparau 26 Tiurai ki te Are Kariori Nui (National Auditorium). No teia akakoroanga, ka uipa ireira te uipaanga maata i te popongi ua o te Paraparau.
  - ✓ Kua pati mai i te uipaanga maata kia piri atu ki roto i te porokaramu o te aiai Varaire 27 Tiurai te ka rave katoaia ki te Are Kariori Nui. E ura papaa me kore ura na te aronga maata (Ball) te ra raveia i taua aiai ra. Kare e tai'i i konei no te mea kua paraniia e kia akaoti te uipaanga maata i tana uipaanga i te 12.00pm Varaire. E akakoroanga katoa oki tetai tei tamanakoia no te au ra uti anga reva (Constitution Celebrations float parade).
  - ✓ Kua pati mai i te uipaanga maata ki te pure topirianga i te au angaanga katoatanga o te Are Ariki no tona 40 anga mataiti te ka raveia i te 10.00am Sabati 29 Tiurai ki te Ekalesia Matavera CICC. No teia patianganga, ka vaoo iatu ireira te topirianga i te uipaanga maata ki te 4.00pm i taua ra rai, Sabati 29 Tiurai ki te Ekalesia Avarua. Kua ariki rekareka te Avarua i teia akatueanga.

Tena ireira e te katoatanga te manga akatukeanga i te porokaramu o te uipaanga maata, kia akameitakiia te Are Ariki koia tei manako e tei inangaro kia o katoa te uipaanga maata ki roto i te au akanoonoanga o te akamaraanga i tona 40 mataiti. Kare i papu e, me e atianganga akaou tetai mei teia te tu, no reira kua ariki te kumiti akaaere e pera te Rarotonga Konitara Ekalesia i roto i te marama Mati i te inangaro o te Are Ariki, koia katoa oki tei mou mai i te Evangelia ora a to tatou atu i muatanga ra ki to tatou nei paepae.

No reira e tau ia tatou e te uipaanga maata kia rekareka ma te akameiktai i teia vaerua no roto mai i te Are Ariki. E mea papu katoa oki e, ka mataora te au Orometua, te au mata e pera te au taeake te ka patia ki te uipaanga maata, i to ratou kite papu anga e kare ratou e piritia ki roto i te ngai uipaanga mei te Monite ki te Varaire, popongi ki te aiai. Tena te porokaramu te kite ra kotou, orote i te Ruitoru, apa ra i te Paraparau, apa ra i te Varaire, kare e uipaanga i te Maanakai, eaa ia pakau, kaore atu te akaieie i teia naai porokaramu i na te Aitutaki ei. **Ko teia ra te puereere (catch) kia kite mai kotou, ka uipa tatou i te aiai Monite e te aiai Ruirua e tae uatu ki te ora 9.00/10.00pm ei ravenga kia oti ta tatou angaanga i kapikiia'i tatou.**

## 7. AU TAEAKE I VAO AKE I TE CICC TE KA PATIA KI TE UIPAANGA MAATA

E manako akamarama teia no runga i te au taeake me kore akononanga me kore putuputuanga kare i raro ake i te tamaruanga a te CICC, e patia ana ra ratou ki ta tatou uipaanga maata i te au mataiti i topa. Ko te vaerua i muri i teia akamaramaanga koia oki no te uiui a tetai pae e, eaa ra te puapinga o teia au taeake kia o mai ratou ki roto i te uipaanga maata, koai ma tika'i ratou, e eia tika'i to ratou numero ka aere mai?

Te mea mua e tika rai e maata teia au taeake e piri maina ki te uipaanga maata i te au mataiti i topa, ara atu i te 10 i roto i tetai au uipaanga. I na no teia au ekokoanga, kua uri e kua ariki te kumiti akaaere e ko teia au

taokotaianga ua i raro nei te ka patiiia ki ta tatou uipaanga maata, e okotai rai mata mei roto mai i te putuputuanga okotai, tera oki te aiteanga e 5 rai au taeake mei vao mai te ka o mai ki roto i te uipaanga:

- **Uniting Church of Australia (UCA)**

E taokotaianga tataia (partnership agreement) tetai i rotopu i te CICC e te UCA. Tei raro ake te turanga o te Ekalesia Clayton i Melbourne, Australia, i teia agreement. E pati katoaia maina te CICC kia mataia ki roto i ta te UCA uipaanga maata i te au 3 mataiti katoatoa. I te mataiti i topa 2006, kua mata iatu te CICC e laveta Short ki te UCA General Assembly i Brisbane, Australia.

- **Presbyterian Church of NZ (PCNZ)**

E pirianga angaanga (working relationship) katoa tetai i rotopu i te CICC e te PCNZ. E pati katoa maina ratou ia tatou te CICC ki ta ratou uipaanga maata i te au 2 mataiti katoatoa. Te vai nei te manako kia akamatutuia teia pirianga.

- **Ekalesia Maoi Nui o Tahiti**

E maramaanga tinamou (confirmed understanding) te vai nei i rotopu ia tatou e teia akonoanga i Tahiti. I raro ake i teia maramaanga, i rauka'i te tauia Orometua i rotopu ia Tahiti e te Kuki Airani nei kia akatupuia. I teia ra ko te Orometua Mata Makara te angaanga maira i Tahiti. Me pou tona tuatau i teia tauia e tu mai nei, ka mono iatu aia e te Orometua Haua Manuel, e to Tahiti ka aere mai koia te Orometua ka tiaki i te Ekalesia Oneroa, Mangaia. E pati katoa maina teia akonoanga i te CICC kia mata iatu i roto i tana uipaanga maata i te au 2 mataiti katoatoa.

- **Pacific Conference of Churches (PCC)**

E mema te CICC no teia taokotaianga, tatou e te akonoanga Katorika. Ko tetai taokotaianga teia e kitea nei tana tauturu ki te CICC na roto i te akapouanga moni no tetai au porokaramu terenianga e te au apinga tei rauka mai no te taangaanga atu ki roto i te opati i Takamoa. E raveia ana tana uipaanga maata i te au 7 mataiti katoatoa e i te mataiti 2002 na tatou na te Kuki Airani i apai (host) i tana uipaanga tei raveia ki te National Auditorium i Rarotonga nei. I teia mataiti ka raveia tana uipaanga maata ki American Samoa e, e 4 o tatou au mata no te CICC te ka aere atu.

- **Congregational Church of NZ**

E vaerua e te inangaro angaanga kapiti te vai nei i rotopu i te CICC e teia akonoanga. Noatu e kare e angaanga (function) meitaki ana teia pirianga, penei a teia au tuatau ki mua e rauka'i teia turanga i te akamatutuia mai. E aere ua maina teia akonoanga ki ta tatou uipaanga maata, e no tei oti i te akanooia i te au mataiti i topa i rotopu i teia nga akonoanga, ko te akamaramaanga ireira teia ka mata ia mai ei aia ki ta tatou uipaanga.

Mei tei akamarama iatu i runga nei, e maata te numero o ratou no vao mai e tae maina ki ta tatou uipaanga maata i te au mataiti i topa, no roto mai i nga putuputuanga e 5 i runga nei, e pera ratou kare no roto mai i nga putuputuanga e 5 i runga nei. No te uipaanga maata ra e tu mai nei, ko teia nga putuputuanga ua e 5 i runga nei te ka patiiia, e okotai rai mata mei roto ma i te putuputuanga te ka patiiia.

## **8. TUATUA AKAMATAKITE NO RUNGA I TE MAKI DENGUE**

E mea tau kia oronga akakite iatu teia tuatua kia kotou katoatoa i vao ake ia Rarotonga te ka tere mai ki te uipaanga maata, no te maki dengue (kare ona ingoa maori) e kanga nei i te oraanga tangata i Rarotonga nei i teia tuatau. Kia matakite me tae mai kotou, ko te patia'ia aea kotou e te namu, tu'ia mai ei kotou e te dengue, akaapa mai ei kotou i te kumiti akaaere no tei anoano kia tae mai kotou ki te uipaanga i dengue ia'i kotou. Te vai ra te au ravenga paruru ta te pae rapakau maki i akanoo e, e mea puapinga kia aruia te reira. Penei ra e me vaitata atu ki te tuatau o te uipaanga maata, kua maru mai paa teia maki kare rava koe e inangaro kia tuia.

## **9. AKAPAPAANGA MONI**

Tena te akakiteanga moni toe (financial statement) a te au Ekalesia tinamou (CICC financial members) tei inangaro te Mou Moni Maata kia aru atu i teia nuti leta e kia tuku tika iatu ki te au Mou Moni i roto i te au Ekalesia tatakita. **E anoano maata to te kumiti akaaere kia akamaroiroi mai kotou i ta kotou au tuanga kare i peke ake.** Me aru ia te tukuanga tika i roto i te uipaanga maata i topa 2005 no runga i te moni, ko te tikaanga, tetai uatu Ekalesia kare tana tuanga moni akaputu ki te pute maata i Takamoa i peke, kare ona tikaanga kia tuatua e kare katoa ana vouti (akara ki te Resolution 8(ii) o te Paraparau 28 Tiurai). Kare e ravenga ka taangaangaia e te kaingakai akatere uipaanga teia tukuanga tika uipaanga i roto i teia uipaanga maata e tu mai nei, no reira rapu mai e te au Ekalesia kia peke ta kotou tuanga i mua ake i te uipaanga. Me

kore apai mai i ta kotou tuanga toe me aere mai kotou ki te uipaanga. Penei kare i aiteite ta kotou akapapaanga ki te vai nei i Takamoa; me ko teia te turanga, ringi tika mai i te Mou Moni Maata, me kore te aronga angaanga opati i Takamoa.

I te Ruirua 3 Aperira 2007, kua uriuri te kumiti akaaere i te ripoti mua (1<sup>st</sup> draft) a te Mou Moni Maata, no nga mataiti e rua i topa ake nei, 2005 & 2006, e pera te akapapaanga moni (budget) no nga mataiti 2007 & 2008. E au ngai rikiriki ta te Mou Moni ka akatano e me oti, ka tuku iatu te reira ki te au Ekalesia katoatoa. Me tae atu, e atiangā meitaki te reira kia akara mai te au Ekalesia katoatoa i te akapapaanga moni a te akonoanga e pera to te au Ekalesia tatakaitai turanga moni e vai nei i te openga o Mati 2007. Kua manako te Mou Moni Maata e ka papa teia no te tuku atu i tetai taime i teia marama Aperira me kore i teia marama ki mua ia Me. E ravenga katoa teia kia mama e kia ngoie ua te uriurianga i te moni me tae ki tona taime e uri ia'i i roto i te uipaanga maata. No reira me tae atu te reira akapapaanga, kia tika akarakara meitakiia, ka apai mai ei i te au mea mamaata ki te uipaanga maata.

## **10. RA TAEANGA EVANGELIA I TONGAREVA**

Kia orana i te aroa maata o te Atua tei rauka teia tikaanga kia aravei na roto i teia leta, Amene.

Nuti akakitekite mei roto atu i te Ekalesia Omoka kia tuku iatu ki roto i ta tatou nuti leta, koia oki te akamaara akaouiaanga te ra taeanga Evangelia o Tongareva nei, 13 Mati 1854. Kua noo ua ana teia ra kare i akamaara iana no tetai tuatau roa. I teia matatiti 2007 kua raveia te akamaroiroi akaou i to Tongareva i roto i te Ekalesia Omoka kia rave akaou i teia ra taeanga Evangelia nona tikai, kia kore e ngaropoina. Ite ra 13 Mati Mataiti 2007, kua raveia te akamorianga i te ora 10.00am ki roto i te are o te Atua ia Ziona Tapu. Kua riro e na te nga oire (Oire Tumu e te Oire Hou) i rave i te au imene tei akatangoia no te ra taeanga Evangelia o Tongareva nei. Manea tikai e te maruarua te au angaanga tei raveia.

Teia te irava o te reira ra ta te tavini o te Atua, Rev. Takatu (Ngara) Aratangi) i rave no roto mai i te ara tia o te reira ra, Ephesia 6:19, "E noku oki kia orongaia mai te tuatua iaku, e kia tuatua uatu toku va'a mate matakukore kia akakite uatu au i te tuatua ngaro ra i te Evangelia." Reo papaa, And pray for me that God will give me a message when I am ready to speak boldly and make known the Gospel's secrets. E mea vavaria ta te Atua e tona vaerua mana i te akanauruanga i tei tata i te tia kia na konei te tataangaia kia tau ki te ra taeanga Evangelia noou e Tongareva. Mei te 10 meneti toe e tangi ei te ora rua (1.50pm) i te aiai Ruirua 13 Mati, kua akamata te tamataora a te au mapu, te pau rakau mataora a te Atua i roto i te Ekalesia Omoka. Mei tei raveia ki te au imene i roto ia Ziona, na te nga oire katoa i rave i te au tamataoraanga. Teia te porokaramu tei aruaia:

### Round 1

1. Oire Tumu – Choir
2. Oire Hou – Ute

### Round 2

1. Oire Tumu – Ute
2. Oire Hou – Choir

### Round 3

1. Oire Tumu – Aitamu (Action Song)
2. Oire Hou – Nuku Tapu

### Round 4

1. Oire Tumu – Taki (Drum Dance)
2. Oire Hou – Taki

Sumaringa tikai te raveanga i te porokaramu na te reira reo ei, e mea rikarika. Kua mataora tikai te katoatoa ma te maeva i te akameitaki i teia tei raveia. Kua akaoti te angaanga taeanga Evangelia ki Tongareva nei na roto i te orongaanga moni aroa no teia akakoroanga manea tei rave ia ki Tongareva nei. Kua rauka mai tere atu i te \$800 e kua orongaia te reira ki roto i te nga oire e pera kia Peula te Kainga Orometua, te ngai i raveia'i te au angaanga katoatoa.

Kua akaoti te angaanga akamaaraanga i te taeanga Evangelia ki Tongareva na roto i te pure tei raveia mai e te Tauturu Orometua koia a Tata Tonitara.

*Tataia e te Orometua o te Ekalesia, Rev. Takatu (Ngara) Aratangi*

## 11. RIPOTI A TE AU EKALLESIA KI ROTO I TE UIPAANGA MAATA

Kua uri e kua ariki te kumiti akaaere e, e mea manea kia rauka tetai akakiteanga ki roto i te uipaanga, i te turanga o te au Ekalesia i teia ra. I te mea ra e kare e rava te tuatau kia ripoti tatakaitai mai te au Ekalesia, teia ireira i raro nei te ravenga ta te kumiti i manako:

- Ripoti kapiti na Rarotonga                      Na te Rarotonga Konitara Ekalesia raua ko te mata o Rarotonga ki runga i te kumiti akaaere teia tuanga
- Ripoti kapiti na te pa enua tonga              Na te mata o te pa enua tonga i runga i te kumiti akaaere
- Ripoti kapiti na te pa enua tokerau          Na te mata o te pa enua tokerau i runga i te kumiti akaaere
- Ripoti kapiti na Nuti Reni                        Na te Tiemani e te Tekeretere o te Konitara Ekalesia Nuti Reni
- Ripoti kapiti na Autireria                        Na te Tiemani e te Tekeretere o te Konitara Ekalesia Autireria

Teia ireira te ravenga e mama ei te angaanga a ratou i runga nei te ka tuku ma te akamarama i te ripoti ki roto i te uipaanga, koia oki kia tata mai kotou e te au Ekalesia katoatoa i tetai ripoti poto no ta kotou au Ekalesia tatakaitai, ma te tuku atu kia ratou i runga nei. Na ratou e kōkōu i te au mea katoatoa i mua ake ka tuku mai ei ki Rarotonga nei kia neneia no te uipaanga. Auraka e tuku mai i ta kotou au ripoti Ekalesia tatakaitai kia matou i Takamoa, e tuku ra kia ratou i runga nei e kia oti ia ratou i te akakōkōu, ka tuku mai ei ratou ki Takamoa. Akara ki te **Annex III** i muri i teia nuti leta te akaraanga (format) no te au ripoti. Kia pou mai te au ripoti kapiti katoatoa ki Takamoa i mua ake i te marama Tiunu 2007. No reira akamaroiroi mai e te au Ekalesia tatakaitai e pera kotou te ka akakou ma te oronga i teia au ripoti ki roto i te uipaanga. Tena tei roto i te porokaramu uipaanga (**Annex II**) i te Ruirua te akakiteanga i te au ripoti tei anoanoia.

## 12. AKAPAPAANGA TUATUA NO TE AU VAEAU O TE ATUA

E tuanga teia tei akamataia i roto i te **nuti leta numero 7**. Mei teia te tu o te vaerua ki konei, e atiangā manea teia kia taangaangaia ei oronga akakiteanga i te turanga o te au tavini rave angaanga o te Atua, ko ratou tika'i tei roa te tavinianga e kua tae te turanga roiroi ki te kopapa no te tare mataiti. Ka timata au i taku koikoi anga mai i te au tuatua no te aronga te ka o ki roto i teia akakiteanga; ka pati katoa au ki tetai uatu, kia riro kotou i te akapapa ma te tuku katoa mai i ta kotou ka rauka, ei tauru anga ki roto i teia tuanga o te nuti leta. Ko te parani koia oki okotai akapapaanga ka tukuia ki roto i te nuti leta i te taimē okotai.

Teia te au taeake tei oti to ratou akapapaanga i te tataia:

- ◆ Mr. & Mrs. Dean Marsters, Auckland, NZ, in newsletter no.7
- ◆ The late Rev. Ta Upu Pere and surviving wife Mama Ngakai, Tokoroa, NZ, in newsletter no.8
- ◆ Mr. & Mrs. Metuakore (Motu) and Tuapikepikē (Mama Tu) Kora, Matavera, Rarotonga, in newsletter no.9
- ◆ Rev. Enuā & Terangi Totini, in newsletter no.10

I roto i teia nuti leta, ka tatau tatou i te akapapaanga tuatua o nga tavini maroiroi o te Atua, te **Tauturu Orometua o Ngatangiia, Papa Kapu e Mama Tangi Joseph**. Tena to raua akapapaanga kua topiriia mai ki muri i teia nuti leta (**Annex IV**). Ka tapapa atu au ki tetai uatu te ka rauka mai tetai akaou akapapaanga no teia au nuti leta ki mua. Me ka rauka mai tetai tutu, meitaki rava atu. Tata mai ki roto i te reo Maori me kore papaa, ko tei mama kia koe. Ko te ka tukuia mai kiaku, ko taku rai ia ka tuku ki roto i te nuti leta. Kare e tieniia te ka tataia mai, mari ua ko tetai au ngai rikiriki, mei te akatanoanga kia taka meitaki te tuatua (spelling, gramma, editorial comments) – me kua anoanoia.

**E manako pati teia kia kotou e te au taeake ka tere mai ki te uipaanga maata, me ka tika akapapa mai kotou i tetai akapapaanga tuatua no te au metua i roto i ta kotou au Ekalesia tatakaitai tei manako kotou e, kua tau ta ratou rave angaanga kia oronga akakiteia ki te tangata e manganui. Apai mai e pera tetai tutu, kia tauruia ki roto i teia au nuti leta ki mua. E 56 a tatou au Ekalesia i te katoatoa, me rauka mai e 10 akapapaanga tuatua, kua manuia teia patianga.**

## 13. POPANI

Tena ireira e te au taeake ma te au tuaine te au mea tei anoano ta kotou kumiti akaaere kia oronga akakite atu ei kiteanga no kotou i te au mea e tupu nei, e te paraniia nei no teia au tuatau ki mua i roto i ta tatou nei akonoanga CICC. Irinaki matou i runga i te kumiti akaaere e ka riro teia au akakitekiteanga ei pumaana ki roto i to kotou au ngakau tatakaitai. Me e au manako to kotou i te akameitaki atu i te turanga o teia nuti leta, ka rekareka au kia tuku tika mai kotou i te reira kiaku.

Ei topiri i teia nuti leta, te na ko nei te tangianga o te chorus o te imene tei matauia e te Boys' Brigade i te imene, numero 421:

We have an anchor that keeps the soul  
Stedfast and sure while the billows roll  
Fasten'd to the Rock which cannot move  
Grounded firm and deep in the Saviour's love

Ei konei tatou i te tuatua akakite anga i tona aroa opekore uatu rai, Amene.



# COOK ISLANDS CHRISTIAN CHURCH Executive Council

Head Office Phone: 26546 Fax: 26540 Email: [adminpub@oyster.net.ck](mailto:adminpub@oyster.net.ck) P.O. Box 93, Rarotonga, Cook Islands

~~~~~

27 February 2007 *(date this paper was printed and distributed)*

**ANNEX I: BACKGROUND INFORMATION FOR PARTICIPANTS TO THE
27TH GENERAL ASSEMBLY OF THE COOK ISLANDS CHRISTIAN CHURCH**

- Dates** 22 – 29 July 2007.
- Venue** Rarotonga, Cook Islands. The actual assembly will rotate amongst the 5 CICC branches of Nikao, Arorangi, Titikaveka, Ngatangia and Matavera. Avarua will host both the opening and closing ceremonies.
- Opening** 10.00am Sunday 22 July 2007, Avarua CICC.
- Closing** 10.00am Sunday 29 July 2007, Avarua CICC. Participants may disperse after the farewell functions which will be organised by the individual hosting churches.
- Assembly programme** See attached.
- Assembly papers** Minutes of last assembly, working papers, reports, etc., will be emailed to those with email addresses, otherwise copies may be collected during registration.
- Registration** Commences 9.00am Saturday 21 July 2007, CICC Administration Office, Takamoā.
- Accommodation** Participants will be billeted out to the 6 CICC parishes on Rarotonga. Participants, if they so wish, may make their own accommodation arrangements and be responsible for their own transport to/from the assembly venues.
- Transport** Host churches will arrange transport for their billets to/from the assembly venues. Other than this, participants will arrange their own transport needs.
- Catering** Those to be billeted out will be catered for by the host churches.
- Dress code** For the opening and closing ceremonies - all CICC ministers, delegates and observers will wear white suit for men, and white dress for women. For non-CICC participants, men may wear suits of other colours and women formal dress.
For the meeting days of Monday to Friday, formal dress is preferred for everybody, i.e. coloured suits for men and formal dress for women.
- Smoking** Not permitted on the assembly compounds and accommodation venues.

Participation in the assembly	Active participation in the assembly sessions is encouraged. Wandering off during the assembly sessions for shopping, meeting friends and relatives, etc., is not encouraged. This can be done after-hours or when the assembly is over. Entry into the assembly sessions is for official participants only who will be provided with IDs during registration.
Timing of sessions	Timing of sessions as per the programme will be strictly adhered to. There will be night sessions on Monday and Tuesday because of the day off on Wednesday and half days on Thursday and Friday (see attached programme).
Remits, amendments to the constitution	Whereas the closing date for these was initially end March had the assembly in Auckland remain unchanged in terms of the September date, the situation now is that submissions are now closed. The bringing forward of the assembly from September to July due to NZ pulling out of hosting, meant that the due date for submissions of both remits and amendments to the constitution has now passed, in compliance with the constitution which stipulates that submissions must be received by the Executive no less than 6 months prior to the general assembly.
Free days	Saturday 28 July is purposefully set aside as a free day for participants; this is also to allow the assembly secretariat to complete the minutes of the assembly for distribution on Sunday 29 July. Wednesday 25 July is also a free day in a way in that there will be no assembly; however, everyone is expected to attend the annual Rarotonga Gospel Day commemoration which will be held at the National Auditorium commencing at 9.00am. The programme for the day's events will be distributed during registration.
Working language	The assembly will be conducted in Cook Islands Maori. Speakers may speak in English if they so wish as almost all CICC participants can understand; however, it is not possible to have formal translation of the presentations into either English or Maori. Those invited guests whose only language is English who may want assistance with translating the presentations into English, please arrange with the assembly secretariat.
Hand-outs	Participants who wish to give hand-out documentations to assembly participants may give these to the secretariat for duplication if required.
Refreshments	All refreshments (morning tea, lunch, afternoon tea, etc.) during the opening and closing ceremonies as well as during the assembly week will be served free of charge to all participants.
Other expenses	Those who will be billeted out are not expected to pay for their keep, but it is always a good idea to make a contribution. Charges may be incurred for use of the phone/fax. Those into email, there are café shops in town. Please talk to the assembly secretariat.
Laundry & ironing	Please arrange with members of the host church. They are happy to help out.
Children	This is an adults-only meeting where accompanying children will prove disruptive and therefore not allowed.
Radio programme	The Director of Social Welfare welcomes ministers and delegates to make use of the church's radio programme while participants are in Rarotonga. Please see the Director (Ms Nga Teao) to arrange a time slot for you.
Travel plans	This is the responsibility of the participants, taking note of the assembly dates above.
Conduct of sessions	Speaking time is limited to no more than 3 minutes per speaker. Please raise your right hand if you want to make an intervention. The chairman will attempt to be fair and equitable when allowing speakers speaking time.

Those who speak regularly in past CICC assemblies will no doubt notice the difference in the next assembly; don't be disappointed if you are not granted time to speak as often as you would like.

Who can speak

During the normal assembly sessions, speakers include all ministers and delegates from all 56 CICC branches. Invited guests may speak if invited, otherwise they will have their turn when making presentations on behalf of their churches/denominations on Thursday as per the assembly programme. Ministers who are not currently serving may not speak. As this is a forum where all CICC branches have equal rights to speak, council representatives will therefore minimise their comments to those matters that may not be adequately covered by the individual branches.

Who are the official participants

- Avarua & Arorangi CICC branches: Minister, 2 delegates for each branch.
- All other CICC branches: Minister, 1 delegate for each branch.
- Observer: one each from the 6 CICC branches on Rarotonga only. As explained in newsletter no.10, observers from the outer islands, New Zealand and Australia will not come to this year's assembly.
- All ordained CICC Ministers who do not yet have a church
- Partner churches: 1 delegate per church

***Note:** spouses of the official participants, if they are coming, will not participate in the assembly and will need to arrange for their own accommodation. Only the official participants as above will be billeted out to the 6 host churches.*

Contact for assistance

During the assembly, there will be support staff as part of the assembly secretariat, ready to assist if required. Otherwise, the CICC General Secretary can be contacted on phones 23900 (home), work (28711), or the CICC main office at Takamoa on 26546.

(Prepared by Nga Mataio, CICC General Secretary, approved by the CICC Executive Council for distribution to all participants to the assembly)

**AU AKAKITEKITEANGA EI TAUTURU I TE AU MATA KI TE
27th UIPAANGA MAATA A TE EKALLESIA KERESITIANO O TE KUKI AIRANI**

Au ra o te uipaanga	22 – 29 Tiurai 2007.
Ngai o te uipaanga	Rarotonga, Cook Islands. Mei tei matauia, ka neke te uipaanga i rotopu i nga Ekalesia e 5 koia a Nikao, Arorangi, Titikaveka, Ngatangiiia e Matavera. Na Avarua e utuutu (host) i te uipaanga i teia mataiti, koia oki te akatueraanga e te topirianga.
Akatueraanga	10.00am Sabati 22 Tiurai 2007, Avarua CICC.
Topirianga	10.00am Sabati 29 Tiurai 2007, Avarua CICC. Tei runga i nga Ekalesia e 6 i Rarotonga i te akara i te tuatau tau kia tuku i ta ratou au manuii kia oki me oti te uipaanga.
Porokaramu uipaanga	Akara ki te kapi tei topiriia mai ki muri i teia pepa.
Au pepa uipaanga	Te meneti o te uipaanga maata i topa, au ripoti, e tetai atu au pepa uipaanga, ka emere iatu te reira kia ratou e e emere ta ratou. Ka tua katoaia teia au pepa i te tuatau o te retitaanga.
Retitaanga	Akamata i te 9.00am Maanakai 21 Tiurai 2007, opati o te CICC, Takamoa.
Ngai nooanga	Ka tua iatu te au mata ki te uipaanga ki nga Ekalesia e 6 i Rarotonga nei. Me kua anoano tetai uatu mata i te noo ki tetai ngai ke atu, na ratou rai e akanoo atu i te reira e pera katoa na ratou rai e akara atu i to ratou mataara ki te uipaanga.
Pereo	Ko ratou te ka noo ki roto i te au Ekalesia, na te reira Ekalesia rai e kimi i te pereo ei mataara no te au mata ki te uipaanga. Ko te mataara ki tetai atu au akakoroanga ke, naau rai te reira e kimi atu.
Katikati	No te tua o te katikati, na te Ekalesia ka noo te au mata ki roto e utuutu ia kotou.
Rakei uipaanga	No te akatueraanga e pera te topirianga o te uipaanga: - te au Orometua, mata e te akarakara, ka pereue teatea te tane, e ka kakau pure te vaine. Ko te au taeake patiiia kare i te CICC, ka pereue te tane i tetai uatu kara, e ka kakau pure te vaine. No te au ra uipaanga, pereue te tane, kakau manea te vaine.
Kai avaava	Kare e akatikaia ki te ngai uipaanga e pera te ngai nooanga o te au mata.
Turanga i roto i te uipaanga	Ka inangaroia te au mata ki te uipaanga kia noo tinamou ki roto i te uipaanga e kia akaari i to ratou manako ma te matakukore. Kare e inangaroia te au mata kia aere ki to ratou uarai au anoano mei te okooko i roto i te toa, aravei taeake me kore kopu tangata, e te vai atura. Ka rauka teia kia raveia i muri ake i te uipaanga maata. Ka tuaia tetai akairo me kore tiketiki (ID) ki te au mata katoatoa ei tikaanga noou i te tomo ki roto i te uipaanga.
Akakotingaanga tuatau	Ko te tuatau tei akakotingaia no te au tumu manako o te uipaanga, ka aru meitakiia te reira kia tau ki tei porokaramuia. Ka uipa i te aiai Monite e te Ruirua i te mea oki e kare e uipaanga i te Ruitoru, apa ra i te Paraparau e pera apa ra i te Varaire (akara ki te porokaramu o te uipaanga).
Au tamanakoanga (remits) e te akatukeanga i te ture	I te parani mua e ka raveia te uipaanga i roto ia Tepetema ki Nui

- tumu (amendments to const)** Reni, kua anoanoia teia nga mea kia tae mai ki Takamoa i te openga o Mati. No tei akaoki mai a Nuti Reni i te uipaanga ki Rarotonga nei e ka raveia e reira i roto ia Tiurai, kua piri rai ireira te tuku remits mai e pera te tamanakoanga akatukeanga i te ture tumu. Ko teia rai oki ta te ture tumu i apii mai e kia pou mai teia nga mea e 6 ,marama ki Takamoa i mua ake i te tuatau uipaanga.
- Nga ra akangaro** Kare e uipaanga i te Maanakai 28 Tiurai. Kua akatakaia teia ra no te aronga akateretere i te uipaanga kia angaanga ki runga i te meneti o te uipaanga ma te nenei i te reira no te tuaanga i te Sabati 29 Tiurai. Kare katoa e uipaanga i te Ruitoru 25 Tiurai, ka aere te katoatoa ki te Are Kariori Nui (National Auditorium) no te ra akamaaraanga i te Evangelia tei taet ki Rarotonga te ka akamata i te ora 9.00am. Ka tuaia te porokaramu no teia akakoroanga i te tuatau o te retitaanga.
- Reo i roto i te uipaanga** Ka reo Maori te uipaanga mei tei matauia. Ko tei anoano i te tuatua papaa no te mea e tu katau ake aia kia pera, kare e araiia no te mea ka marama rai oki te au mata i te reira reo. Kare ra e urianga ki roto i te reo papaa, me kore uri mai mei te reo papaa ki te reo Maori. Ko te au taeake papaa te ka patiiia ki te uipaanga, ka akaraia tetai ravenga no ratou kia marama i te au manako ka tuatuaia .
- Pepa uipaanga** Te au mata e pepa ta ratou tei anoano kia tuaia ki roto i te uipaanga, oronga mai i te reira ki te aronga angaanga o te uipaanga kia neneiia (photocopy) me kua anoanoia.
- Katikati** Mei tei matauia, ka katikati te uipaanga i te popongi, tuaero, e pera te aiai (morning tea, lunch, afternoon tea) ma te kore te au mata e tutaki, mei te Sabati o te akatueraanga e tae uatu ki te Sabati o te topirianga.
- Au akapouanga keke** Ko kotou te ka noo ki roto i nga Ekalesia, kare kotou e anoanoia kia tutaki i te ngai nooanga e pera te kai. Inara na to kotou au ngakau tatakitai e akara atu e me kua tau tetai akameitakianga kia oronga iatu i te taopengaanga o te uipaanga, ko te reira ia. Kotou tei anoano i te taangaanga i te phone, fax, emere, aravei atu i te au mema o te Ekalesia ta kotou ka noo ki roto, me kore te aronga angaanga o te uipaanga.
- Pua e te auri kakau** Komakoma atu ki te au mema o te Ekalesia ta kotou ka noo ki roto, ka rekareka ratou i te tauturu ia kotou. Te vai katoa ra oki te ngai pua'anga kakau i Arorangi me kua anoanoia.
- Tamariki** E uipaanga teia na te aronga mamaata e ka riro te tamariki i te tamanamanata i te tere meitakianga o te uipaanga, no reira auraka e tari mai i te tamariki ki te uipaanga.
- Porokaramu ratio** Ka inangaro te Director of Social Welfare i te taangaanga i te au Orometua ma te au mata ki runga i te porokaramu ratio a te CICC ia kotou i Rarotonga nei. Aravei atu iaia (Ms Nga Teao) no te akanoo i tetai atianga noou ki runga i te ratio.
- Parani no te teretereanga** Na kotou rai e parani mai i to kotou au teretereanga, ma te akamanako i te au ra o te uiapanga tei akakite iatu i runga nei.
- Raveanga i te uipaanga** Ka akakotingaia te tuatau tuatua ki te 3 meneti i te taime okotai. Taki i tou rima katau ki runga me anoano koe i te tuatua. Ka timata te tiemani o te uipaanga kia aiteite tana tukuanga tuatau ki te katoatoa. Ko kotou e tuatua putuputu ana i roto i te au uipaanga i topa, ka kite kotou i te tuke i roto i te akateretereanga o te uipaanga i teia mataiti. No reira auraka e taitaia me kare e oronga putuputu iatu te tuatau kia tuatua putuputu koe. Kare oki e ko koe ua tei roto i te uipaanga; ara atu i te 100 au taeake te ka tau katoa kia oronga iatu tetai tuatau no ratou kia tuatua.

Koai te ka tuatua

I te tuatau uipaanga, ko te aronga ka akatikaia kia tuatua koia oki te au Orometua e pera te au mata o te au Ekalesia katoatoa e kua arikiia ratou i roto i te au uipaanga maata i topa ei manga no te CICC. Te au taeake no vao mai i te CICC te ka patii, ka tuatua ratou me patii; me kare ratou e patii kia tuatua, ka tiaki ireira ratou i to ratou tuatau tuatua i te Paraparau mei tei akatakaia i runga i te porokaramu. Ko te au Orometua akatainua e kare a ratou Ekalesia i rauka ake, kare ratou e tuatua. No te mea oki e i roto i teia uipaanga e tikaanga no te au Ekalesia katoatoa kia tuatua, ka akangaroi ireira te au mata konitara i te tuatua, mari ua i te akara atu i te tuatua a tetai mata Ekalesia me kua anoanoia.

Koai te ka aere mai ki te uipaanga

- Ekalesia Avarua e Arorangi: Orometua, 2 mata i te Ekalesia okotai.
- Te katoaanga o te au Ekalesia CICC: Orometua, 1 mata i te Ekalesia okotai.
- Akarakara (obsever): okotai mei roto i nga Ekalesia e 6 i Rarotonga nei ua. Mei tei akamaramaia i roto i te nuti leta numero 10, kare te au akarakara o te pa enua, Nuti Reni e Autireria e aere mai ki te uipaanga o teia mataiti.
- Au Orometua akatainua i raro ake i te CICC e kare i rauka ake ta ratou Ekalesia.
- Akonoanga e pirianga tona ki te CICC: 1 mata

Akamaramaanga: ko te tokorua o te au mata ki te uipaanga, me ka aru mai ratou, kare o ratou tikaanga ki roto i te uipaanga, e na ratou rai e akateateamamao i tetai ngai nooanga no ratou. Ko te au mata ua ki te uipaanga te ka tukuia ki roto i nga Ekalesia e 6 noo ei i te tuatau o te uipaanga.

Tauturu keke

I te tuatau o te uipaanga, e au aronga angaanga tetai te ka riro i te taturu i tetai uatu me anoanoia. Me kare ra, aravei atu i te Tekeretere Maata i runga i te phones 23900 (ngutuare), 28711 (ngai angaanga), me kore te opati o te CICC i Takamoia (26546).

(Tataia e Nga Mataio, Tekeretere Maata, arikiia e te Kumiti Akaaere kia tuaia kia ratou te ka aere mai ki te uipaanga)

ANNEX II: CICC General Assembly 2007 – Programme (2nd draft)

Sunday 22 – Sunday 29 July 2007, Rarotonga, Cook Islands

Timing of sessions	Monday	Tuesday	Wednesday	Thursday	Friday
8.15 – 8.30am	Devotion by host church	Devotion by host church	<p>No assembly today. All participants will attend the Rarotonga Gospel Day commemoration to be held at the National Auditorium, Avarua.</p> <p>Rarotonga Konitara Ekalesia will organise the day's programme which starts at 9.00am and finishes early afternoon.</p> <p>Lunch will be served by the Titikaveka Ekalesia</p>	Devotion by host church	Devotion by host church
8.30 – 10.30	<ul style="list-style-type: none"> • Organisational matters • Minutes of 2005 General Assembly, including update on Resolutions 	<ul style="list-style-type: none"> • Reports by: <ul style="list-style-type: none"> ➢ Takamoia College Principal ➢ Tepuka Lands Committee 		<ul style="list-style-type: none"> • Policies <ul style="list-style-type: none"> ➢ Establishing new churches ➢ Ministers rotation 	<ul style="list-style-type: none"> • Presentation by partner churches (15 minutes per church)
10.30 – 11.00	Group photo, Morning tea	Morning tea		Morning tea	Morning tea
11.00 – 1.00pm	<ul style="list-style-type: none"> • Continue 2005 minutes • Reports by: <ul style="list-style-type: none"> ➢ President ➢ General Secretary 	<ul style="list-style-type: none"> • Reports by: <ul style="list-style-type: none"> ➢ Directors ➢ Rarotonga CICC Council 		<ul style="list-style-type: none"> • Policies <ul style="list-style-type: none"> ➢ CICC terms of reference of church posts ➢ CICC Vision 	<ul style="list-style-type: none"> • Other matters • Venue for next assembly • Wrap-up assembly
1.00 – 2.00	Lunch	Lunch		Lunch	Lunch
2.00 – 4.00	<ul style="list-style-type: none"> • Treasurer's report 	<ul style="list-style-type: none"> • Reports by: <ul style="list-style-type: none"> ➢ Northern Is representative ➢ Southern Is representative 		No assembly in afternoon. All delegates are invited to the 40 th Anniversary of the House of Ariki, 2.00pm, National Auditorium.	All delegates are invited to the House of Ariki Ball, 5.00pm, National Auditorium.
4.00 – 4.30	Afternoon tea	Afternoon tea		Dress: Informal	Dress: Formal
4.30 – 6.00	<ul style="list-style-type: none"> • Continue Treasurer's report 	<ul style="list-style-type: none"> • Reports by: <ul style="list-style-type: none"> ➢ NZ CICC Council 			
7.00 – 9.00	<ul style="list-style-type: none"> • Continue Treasurer's report 	<ul style="list-style-type: none"> • Reports by: <ul style="list-style-type: none"> ➢ Aust. CICC Council ➢ Committee of Ministers, including Ministers rotation programme 			
Host church	Nikao	Arorangi		Titikaveka	Ngatangia

Note:

- ◆ Opening of assembly: 10.00am Sunday 22 July, Avarua CICC
- ◆ Closing of assembly: 4.00pm Sunday 29 July, Avarua CICC.
- ◆ Everyone is invited to the closing of the 40th Anniversary of the House of Ariki, 10.00am Sunday 29 July, Matavera CICC.

ANNEX III

Format of Reports by the Church Branches

Format of reports for the last 2 years (August 2005 – July 2007), i.e. between the last assembly and this assembly.

1. Introduction – akatomoanga (1/2 a page)
2. Work programme/activities undertaken – te au angaanga tei rave iatu (2 pages)
3. Problems encountered and remedial measures – te au manamanata me kore tai'i tei kitea, e te au ravenga tei rave iatu (1 page)
4. Recommendations – au tamanakoanga no te akameitaki atu i te tupuanga o te Ekalesia (1 page)
5. By adopting the bullet-point reporting format, more can be written on less pages.

Annexes (au akakiteanga tei anoanoia kia topiriia mai ki te ripoti):

- Office bearers of the Ekalesia and its branches
- Title holders (Elders, Diakono, etc.)
- Membership by sex and age
- Christenings, bereavements, baptisms, marriages
- Audited financial report for the calendar years 2005 & 2006

Note:

Refer to **section 11** of this newsletter which explains where to send your report. Akara ki te **tuanga 11** o teia nuti leta no te akamaramaanga e ka tuku te ripoti kiesa.

ANNEX IV

PROFILE OF

PAPA KAPU & MAMA TANGI JOSEPH



Papa Kapu & Mama Tangi Joseph
Tauturu Orometua, Ekalesia Ngatangia CICC, Rarotonga

AKAPAPAANGA TUATUA NO TE TAUTURU OROMETUA O TE NGATANGIIA CICC, PAPA KAPU JOSEPH E PERA TE TOKORUA MAMA TANGI JOSEPH

Tataia e Nga Mataio

E TAMAITI AKONO I TE INANGARO O TONA NGA METUA

Ko au ko Papa Kapu te 5 o te 9 tamariki tei anau mai toku nga metua ki te ao nei. Kua anauia au i te mataiti 1922, ka 85 ireira oku mataiti i teia nei. Ko Ioteva Kapuariki o Avana, Ngatangiiia, toku metua tane e ko Teura Aro toku metua vaine, e purotu no Raiatea mai i Tahiti. E manga reo Tahiti rai taku ka kite, kare ra te reo Varani. Kare au e akama i te akakite e, e tamaiti akono meitaki au i te inangaro o toku nga metua i toku meangiti e toku mapu anga. Kare au e aere uatu na ma te rave i te au peu neneva te ka riro ei mareka-kore e ei akamaanga no toku nga metua. Ko te aere pure, ko toku ia oraanga e toku marekaanga i te po e te ao. Tei toku ngakau e toku manakonakoanga te irava ko tei na ko mai e, "mareka rava akera au i te aronga tei tuatua mai kiaku e, taki aere tatou ki te are o lehva." Iaku i tupu mai ki te maata i Avana e toku oraanga mapu i roto i te Evangelia, kua viviki au i te riro mai ei arataki i roto i te putuputuanga Boys' Brigade (BB) o Ngatangiiia. Ko te akamataanga teia i ta te Atua akarangatiraanga iaku i roto i tana Evangelia.

I te reira tuatau e apinga tika'i teia putuputuanga koia te BB i Rarotonga nei e pera te nga enua i vao i te maroiroi e te maata te au anau tamaroa e piri ana ki roto. Ko tetai tumuanga i matutu ei teia putuputuanga i te reira tuatau koia oki kare e maata ana te au akakoroanga keke mei teia tuatau e riro nei i te uuti atu i te anau tamaroa ki roto. I toku mapu anga, ka aere te tamariki ki te apii Kavamani, me oki mai ki te kainga ka tauturu i nga metua i roto i te one kai, te angaanga tautai, e pera te au akakoroanga o te Evangelia. I tetai au atianga e tarekareka sports ana rai, kare ra mei teia tuatau te maata. Kua varenga te mapu o teia tuatau ki te au akonoanga tukeke e akatupuia nei; te sports mei te Monite ki te Maanakai, tamataora, e te vai atura. Kua iti rava te tuatau ki te Atua. Te akaaroa, a'a atu ei apopo.

TIAKI MAUNGA I TE TAMAKIANGA MAATA WWII

Ko tetai angaanga tei piri atuna au ki roto koia oki e kati akarakara (lookout guard) i runga i te maunga Arore i te tuatau o te tamakianga rua o teiane ai. Kua riro au e toku au taeake BB i te tiaki i runga i te au maunga takapini ia Rarotonga. Toko ono matou no roto mai i te Ngatangiiia BB Company tei riro ei akarakara no Takitumu. I Arurangi, ko to ratou puna akarakara koia oki tei runga i te maunga Raemaru. To Avarua puna akarakara tei runga ia i te maunga Tuakata i muri mai i te opati o te Aponga Uira (EPS).

Ia matou i Ngatangiiia, toko toru matou (ko au, Kaina Kaipō e Papo Moerai Kekena) ka tiaki i runga ia Arore, e toko toru tei raro ratou i te puna o te oire. I te au 30 meneti katoatoa, ka komakoma matou i runga i te maunga kia ratou i raro na roto i te morse code, e reva tairiiri i te marama e te mori lamepa i te po. I te au taima katoatoa, ko te karere ka tukua mei runga i te maunga kia ratou i raro koia oki "marino ua a tai" (horizon is clear). Me rave koe i teia i te au 30 meneti katoatoa, ka akamea iu rai, taua mea rai, taua mea rai. Kare ra e ravenga ko teia tei anoanoia matou kia rave. Kua pera katoa te turanga i Avarua e Arurangi. Kua rave matou i teia okotai marama katoa, i mua ake ka riro ei teia tuanga angaanga ki roto i te rima o te akava. Noatu te manga iu i tetai atianga, kua mataora rai matou i te rave anga i teia, i roto i te reo papaa, it's a once in a lifetime experience. E mea papu iaku e, naringa te enemi i akaneneva i te patia ngaro mai ki Rarotonga nei, ka kitea atu ratou e matou i runga i te maunga. Kare ra au e akakite atu e ka akapeea ia ratou e matou.

TONA NOOANGA KI AITUTAKI

I muri mai i toku riro anga ei arataki no te BB i Ngatangiiia e pera kia riro atu ta matou angaanga tiaki maunga ki te akava, kua ere atu au ki Aitutaki e kua noo ki reira ngo tetai 6 mataiti. Iaaku i reira kua piri au au ki te Orometua Dariu Teia i te apii anga i te anau BB i roto i te au oire katoatoa i runga i te enua. Ko Arutanga te oire rai rava atu toona tamariki, mei tetai 100 tamariki tamaroa i te katoatoa. Kua noo tinamou ra au ki roto i te Tautu BB Company e kua ikiia mai au ei Officer ki reira. Ko Tuaivi Mose te captain o te company i te reira tuatau.

I te tuatau o te vaeau Marike i Aitutaki, kua rauka mai tetai rare ngaaku i te tua o te utuutuanga i te oraanga o te vaeau. Kua riro katoa au ei kuki ngo te vaeau, matou ko Tome Tereu e Charlie Charlie ma, nga matou oki ia rare e tunu manga, kare ra i papu iaku e me kua reka te vaeau Marike i ta matou recipe. Ko tetai rare reka teia taaku i rave, toona puapinga koia oki kaore taua e mate i te pongi. Te vai katoa ra te au tamaine i

roto i te ngai tunu kai, ko Rangī Pitomaki tetai e te vai atura (ka akamutu uau i teia potonga ngai ki konei). Kua aravei au e kua akaipoipo i taaku vaine mua iaku i Aitutaki, e kua riro te Orometua o Tautu koia a Ru David i te rave i to maua akaipoipoanga. Kua ikia mai au ei Tauturu Diakono ngo te Ekalesia Tautu i te mataiti 1945, e ei Diakono i te mataiti 1946. Iaku rai i Tautu, kua iki katoaia au ei Puapii Sabati, e ei Tekeretere ngo te BB o Aitutaki katoatoa i te mataiti 1947. Kaore atu teia au akarangatiraanga nga te Atua iaaku i tooku noo anga ki Araura.

TAUTURU OROMETUA NO NGATANGIIA

No te tu apikepikē o toku metua vaine i Rarotonga, kua oki mai ireira au, toku tokorua e ta maua anau ki Rarotonga nei i te mataiti 1947. Kia pou e 3 marama ia maua ki roto i te Ekalesia, kua akaoki atu au i toku taoanga Diakono ki Tautu, e kua rave akaou rai maua i te taoanga Diakono i ta te Ekalesia Ngatangiia i toku ia maua ki runga. I te mataiti 1954, kua iki te Ekalesia Ngatangiia iaku ki runga i te taoanga Tauturu Orometua, e 32 oku mataiti i te reira taime. Teia te au Orometua tei rave i toku akatainuanga: Rev. Rauī Pokoati (Orometua o te Ekalesia), Rev. W.G. Murphy, e Rev. Tuatakiri Pittman. Kua mou au i teia taoanga meī tei reira mataiti e tae mai ki teia ra. Tera ireira te aiteanga, i teia mataiti 2007 ko te 53 teia o te mataiti i toku mou anga i te taoanga Tauturu Orometua. Te irinaki nei au e ko au tetai metua tane roa rava atu i te mou i teia taoanga i roto i te Ekalesia Ngatangiia e pera i roto i te akonoanga CICC. Me kua tika ia i te Atua, ka mou uatu rai au i teia taoanga penei e tae uatu ki toku openga. Tei te Ekalesia Ngatangiia ra te tika openga.

I te mataiti 1963 i te tuatau ko Rev. Isaiā Willie te Orometua o te Ekalesia, kua takake atu toku akaperepere mua e kua akaruke mai i ta maua nga tamariki e 8 kiaku kia akono. Kua noo e kua akono au i te tamariki ko au ua no tetai 10 mataiti. I rotopu i teia va kua tukuia mai te Orometua Teina Tuarau ki Ngatangiia, kare katoa oki a tera vaine i tona tomo anga mai, no reira kua aiteite ua to maua turanga takaua. I na kua iki ireira te Ekalesia ia Mama Paiā Short ei arataki no te vaintini. I roto katoa i teia va kua apikepikē uatu rai toku metua vaine. Umere ra au, i teia atiangā i tona oraanga kua rauka iaia i te kimi mai i tetai tokorua akaou noku. Ko te tumuanga kua kite aia i te ngata i te au apainga i runga iaku i roto i te Evangelia, taea atu ei tona manako e ka aere ka aka'au vaine naku.

I na roto ireira i teia mataara i riro mai ei a Mama Tangi, e vaine Mangaia, e ko te rua ia i tei inangaro maataia e toku ngakau. Kua akameitaki mai te Atua ia maua, e tai tamaine e tai tamaroa. Akameitaki maata au i te Atua koia tei oronga mai ia Mama Tangi ei tavini e ei oa tauturu meitaki noku i roto tika'i i te Evangelia. I toku manako no maua paa tetai oraanga meitaki rava atu i Ngatangiia e penei katoa i te Kuki Airani nei, kare e pekapeka ngutuare, kare e karo, maru e te meitaki ua te reva i te au atiangā katoatoa. Ko te Atua oki ia inangaro ia tatou te tangata nei, kia noo tatou ma te tau tikai.

E manganui uatu rai te au atiangā tei riro au i te tiaki i te Ekalesia e te apai i te au tuanga a te Orometua – te pure i te Varaire e te Sabati, tanu mate, e te vai atura – no teia au tumuanga i raro nei:

- Kua atea atu te Orometua kia vao mai i te basileia me kore ra ki te au pa enua i vao (outer islands) no tetai au akakoroanga
- Kua rokoia te Orometua e te maki, i tetai au atiangā kua apaina ki te Are Maki
- Kua akangaroi te Orometua meī te angaanga Orometua no te apikepikē o te kopapa, e kare tona mono i tae mai ake ki roto i te Ekalesia
- Kua tae te tuatau tauiangā Orometua e kare i tae mai ake te Orometua ou ki roto i te Ekalesia

I roto i te au atiangā tei apai atu au i te tuanga a te Orometua no te au tumuanga i runga nei, kare rava au i kite i te ngata o te au apainga. Kua riro toku tokorua ei tauturu maata iaku. Kua riro katoa te au angaanga takake a te Atua na roto i tona vaerua tapu i te akamama i taku apainga. Tau mari rava te tuatua tei tataia e, kia roiroi e kia teiaa ta tatou apainga, ka aere tatou kiaia ko te riro i te akamama i ta tatou au apainga.

AU AKAKOROANGA TEI TUPU I TOKU TUATAU TAUTURU OROMETUA I ROTO I TE EKALEZIA E PERA I ROTO I TOKU ORAANGA KOPAPA

Mei te mataiti i akatainuia'i au ei Tauturu Orometua, 1954, ko teia i raro nei tetai o te au angaanga tei tupu tei maara iaku i te rekoti ki roto i taku buka akapapaanga. Te vai atura te au mea maata kare i rauka iaku i te rekoti katoatoa:

December 1955	Kua raveia tetai tutaka kainga Orometua i Rarotonga nei, akamata ki Matavera e akaoti ki Avarua
1956	Tae mai te Orometua Thorogood e te Orometua Rauī Pokoati, kua angai te Ekalesia i nga Orometua, te akakoroanga kua tae te tuatau no te Orometua Rauī

- Pokoati i te akangaroi (retire) mei te angaanga Orometua. Kia oti te angaianga, kua kave atu te Ekalesia ia Papa Raua ki tona ngutuare i Takuvaine. Kua monoia mai aia e te Orometua Tuatakiri Pittman.
- December 1962 Akaouia te kainga Orometua
- August 1963 Kua takake atu tokorua mua a Mama Kura Reva, ko Isaia Willie te Orometua o te Ekalesia i te reira tuatau
- 1972-74 Kua ikiia au e te kavamani ei akaaere (foreman) no te aronga angaanga i te tuatau i akaou ma te akamaata ia'i te ngai akatoanga pairere (airport) o Rarotonga. I te reira tuatau tei tai te Are Pure e te kainga Orometua o Nikao, e ko te Orometua Teina Tuarau te tiaki o te Ekalesia. Maara iaku to maua kakaroanga ko te tangata maata o te angaanga mei Nuti Reni mai, mei akaokiiia aia ki Nuti Reni no te angaanga i te Sabati. Manuia kua akarongo mai ki taku e aere e tatarara ki te Orometua no tei angaanga i te reira Sabati okotai, e Oroa oki taua Sabati ra. Kua oti oki iaku i te akakite e, kare e angaanga i te Sabati. Naringa paa au i tuatua Tinito kiaia, penei kua akarongo mai.
- 1975 – 1996 I te mataiti 1975 kua tikiia mai au e Fred Rennie kia angaanga ki te Public Works Department. Kua angaanga au ki reira e tae uatu ki toku akangaroianga mei te angaanga kavamani i te mataiti 1996. Iaku i te PWD, kua rapu au e kua oti te angaanga ki runga i te paruru ngaru (seawall) i te tua taatai o te Are Pure. I te reira tuatau kua waitata rava mai te tai ki te mataara maata e kua anoanoia tetai paruruanga kia maaniia kia kore e taea mai te mataara maata. Na roto i te au ravenga takake a te Atua, kua rauka te tauturu maata mei te PWD. Kua riro te angaanga ki runga i te seawall i te akatereria e te taeake Manoa Pirake, e Elder aia i teia ra no te Ekalesia.
- October 1973 Kia pou e 10 mataiti roa i toku akakoromakianga, kua akaipoipo au i te rua o ta te Atua i akataka ei tauturu meitaki noku, koia a Tangi Toparea no Mangaia. E rua a maua tamariki i anau mai, tamaine e te tamaroa.
- May 1974 Arikianga na te Ekalesia ia Rev. R.L. Charles e te vaine no to raua oki akaouanga mai ki Rarotonga nei
- June 1974 Arikianga ia Rev. Lucky Mave no Nuti Reni
- Juy 1974 Pure akamaaraanga i te tae anga mai o te Evangelia ki Rarotonga
- March 1975 Akangaroi te Orometua Teina Tuarau i te angaanga Orometua no te apikepiki maki. Kua kave atu te Ekalesia iaia ki te pairere no te aere atu ki Nuti Reni
- April 1975 Akaouia tetai au ngai o te kainga Orometua
- September 1975 Tae mai te Orometua Rev. Temaui Terry no Tahiti ei tiaki i te Ekalesia
- 1976 Akaou i te aronga mou taoanga o te Ekalesia
- July 1976 Uipaanga maata. Kua ikiia a Rev. Turaki Teauariki ei President no te CICC, mono ia Rev. Bill Marsters. Kua iki katoaia mai a Rev. Taraariki Pitomaki ei Tekeretere Maata, e pera a Apenera Short ei Mou Moni Maata
- November 1976 Tere no te Ekalesia ki Nuti Reni na runga i te pairere Air NZ DC8 koi akamata uake ra i te rere mai ki Rarotonga nei; irinaki au e kua retire teia pairere kare e rere akaou ana, teia rai a Papa Kapu kare i retire ake
- January 1985 Akamaaraanga i te 50 mataiti o te Boys' Brigade ki Rarotonga nei na roto i tetai camp tei raveia ki Avarua. Kua piri mai te au companies katoatoa o Rarotonga nei. Ko Aporo Dean te Commanding Officer (CO) o te camp. Tetai au taeake tei tae mai ko A. Donn, Tekeretere o te BB South Pacific, Papa Tangaroa Tangaroa koia te Queens Representative o te reira tuatau, te au Officers taito koia a Tuti Taringa, Apenera Short, Kura Strickland, Maru Taramai, Nikau Tangaroa, e au Kapu Joseph.
- 1990 Kua akangateitei te Atua e pera te Ariki Vaine o Paratane iaku na roto i te orongaanga mai i teia akairo ko tei karangaia e, BEM (British Empire Medal), no taku i rave i roto i te Ekalesia, te oire Ngatangiiia e pera te basileia.
- 1996 Kua aru atu au i te tere kimi puapinga o te tapere Avana ki Nuti Reni e Autireria no te akakoroanga akaouanga i te Are Uipaanga o te Avana, tena tei rotopu i te kainga Orometua e te Are Pure o Ngatangiiia. Kia oki mai matou, e 2 marama i muri mai kua akamata te angaanga ki runga i te ngutuare. Ko Teariki Pera te kamuta maata. I teia ra, e taangaangaia nei teia ngutuare e te tapere e pera te Ekalesia no te au akakoroanga e manganui.
- 1 January 2000 Kua raveia tetai angaanga turouanga mai i te mataiti ou 2000, ki te ngai tei tuatuaia e ko Kake Ra, koia te Are Apii Kavamani i mua na i Ngatangiiia (former Ngatangiiia Primary School), Turangi. I te ora 2.00am kua akamata te tangata i te putuputu mai. No te mauu o te reva i te Sabati 2 Tianuare, kua raveia ta te Ekalesia tuanga i te ora 10.00am i te Monite 3 Tianuare. Na Noo Makimou i akatere (master of ceremony) i te au angaanga, koia katoa te Tekeretere o te Ekalesia i te reira tuatau.

	Kua raveia tetai akonoanga eeuanga toka tei akatuia ki te tua i te mataara maata o te Are Pure, tena ka kite kotou i taua toka akamaaraanga ia kotou e pati ra i te Are Pure.
2004	Akaou i te aronga mou taoanga o te Ekalesia. Kua ikiia mai a Mauri Toa ei Tekeretere, e pera a Keta Williams ei Mou Moni
June 2005	Akaou i tetai au ngai i roto i te Are Pure. Kua riro e na Keta Williams i akaaere i te angaanga, koia katoa te kamuta maata. I te oti anga teia akaouanga, kua raveia te akamaaraanga i te 70 mataiti o te Are Pure ko tei kapikiia e ko Ebenezer
July 2005	Uipaanga maata, kua noo mai ki Ngatangiiia e 12 au Orometua e te au mata. Kua tae mai te uipaanga ki Ngatangiiia nei i te Varaire 29 Tiurai
31 July 2005	Kua kaveia te eva o Mama Maui Short ki roto nei i te Ekalesia i te uipaanga maata e topiriiia maira i Matavera
2006	Kua patiiia ma te tutakiia mai mua ko Mama Tangi no tetai tere oriori ki Tahiti. Ko te tangata Samaria tei manako meitaki mai ia maua koia oki ko te Mama Orometua Evette Temauri, te tokorua o te Orometua Terry Temauri tei tiaki ana i te Ekalesia i nga mataiti 1976-78. Kua takake atu oki te Orometua Terry ki te akangaroiana o te kopapa i nga mataiti i topa. Kua mataora tika'i maua i teia tereanga ki Tahiti, e kua aravei atu i nga Orometua Mata Makara e pera te Orometua Pittman tei tiaki ana i te Ekalesia Arorangi i te au tuatau i topa. I teia mataiti 2006 kua aru katoa atu te tokorua, Mama Tangi, i te tere o te Ngati Maoate ki Tahiti no to ratou akakoroanga reunion. Ko te rua ia i to Mama Tangi tere anga ki Tahiti i teia mataiti. Kare oki au i apaina ana, kare rai oki au i inangaro i te aru no tetai au tumuanga.
December 2006	Akatueraanga i te kainga Orometua ou o te Ekalesia. Te vai ra rai te mea takere kare i vava'i'a
Aperira 2007	Kua tata te Tekeretere Maata o te CICC, Nga Mataio, i toku tuatua akapapa no tetai au mea tei tupu ki roto i toku nei oraanga, e kua tuku iatu ki roto i te nuti leta numero 11 a te CICC tei totoa ki te pa enua Kuki Airani nei, Nuti Reni, Autireria e Tahiti.

Teia te au Orometua tei noo ki roto i te Ekalesia Ngatangiiia mei te tuatau i riro mai ei au ei Tauturu Orometua i te mataiti 1954 e tae ua mai ki teia ra:

Rev. Raui Pokoati	1952-56
Rev. Tuatakiri Pittman	1956-63
Rev. Isaia Willie	1963-68
Rev. Samuela Makirai	1968-73
Rev. Teina Tuarau	1974-76
Rev. Terry Temauri	1976-78
Rev. Tangimetua Tangata Tutai	1978-83
Rev. Lotia Nooroa	1983-86
Rev. Joe Atirai	1986-88
Rev. Temotu Arioka	1988-89
Rev. Jean Marie Teikiotiu	1988-95
Rev. Temaire Vaeau	1995-99
Rev. Vaka Ngaro	1999-01
Rev. Papa Aratangi	2001-03
Rev. Iana Aitau	2003-07

MANAKO OPENGA

Ei akaoti i ta matou pukapukaanga, kua ui atu au kia Papa Kapu me e au manako openga tona ka inangaro i te oronga mai ei kiteanga na te katoatoa; manako akamaroiroi, manako akamatakite, e te vai atura. Teia i raro nei tona nga manako openga.

1. No tatou e te au mema i roto i te Ekalesia

E mea puapinga maata kia papu to tatou turanga i roto i te akarongo, i roto i te Evangelia, i roto i te Ekalesia, i roto i te Atu. Me rauka teia ia tatou i te akatinamou vave, kare rava tatou e ngaeue noatu te au timataanga e manganui. Me kare ra e akapapu vaveia te turanga, ngoie ua te akarakara aere, penei tau i atu ei toou inangaro mua, tangitangi mai ei te reo imene ko tei na ko mai e, "Pana ki ko, pana ki ko, don't know where you are." Te kitea mai nei i teia tuatau e te panapana aere nei tetai au mema o tatou i roto i te CICC mei te kereteki rai te tu. Eaa ra i pera ei? Na kotou e akatae atu ki te openga.

2. No te au Orometua tiaki Ekalesia

E te au taeake, ko te Ekalesia to kotou Pu, kare ko kotou te Pu o te Ekalesia. E tangata angaanga kotou na te uipaanga maata, e manuiiri kotou na te Ekalesia, e taeake, e metua utuutu na te Ekalesia. Me ka tika, e aru kotou i te au akateretereanga tau a te Ekalesia, ei reira e maru ei to kotou noo anga kia ratou. Me ka akapeu kotou e oti aere atu rai ki to kotou aerenga, e manamanata ua rai te ka tupu mai. Me kua manako kotou e, e meitaki ake ta kotou akatereanga, e mea manea kia uriia te reira ki roto i te Ekalesia, auraka ra e na roto i te ravenga akaueanga kia aruia ta kotou.

3. No te au mapu/tamariki

Tena e te anau tamariki te reo ikuiku a te Bibilia no kotou, aru ia ei reira kotou e rangatira'i i te ao nei, e te ao a muri ake. Kua na reira maina au e to kotou au metua, no reira akarongoia te tuatua, ko tei tau ia i te Atu.

4. No te au mama/vainetini *(na Mama Tangi teia)*

E te au mama, kua marama ua tatou e ko papa te pu e kia angaanga kapiti tatou i te raveanga i ta tatou tuanga angaanga e maru ei to te ngutuare e pera te Ekalesia. Akara katoa ki te papauanga ra e, ei tauturu tau, ka rave ka akono e mataora'i te ngutuare. Me pera, ka roa te oraanga mei tei rauka ia maua ko papa.

Akamarama'anga

Ko teia akapapaanga kua tataia mei ta te metua tane i akamarama mai kiaku e pera tei tataia ki roto i tana buka akapapaanga. Kia oti te tataanga mua (1st draft), kua oronga au kiaia kia akara mai penei e au ngai tetai tei tau kia akatanoia. Kua akaoki mai aia e kua akatano iatu tetai au ngai. Ko teia ireira e tuku iatu nei ko tei akatanoia. Ko tetai uatu tei anoano i te komakoma kia Papa Kapu e Mama Tangi, ringi atu ki runga i te phone 24966. Tei te tua ki Avarua i te Are Apii Sabati CICC o Ngatangia to raua ngutuare.

Responsibilities for this newsletter:

- Editor/typing/formatting/emailing - Nga Mataio
- Contributors with articles - Oki Teokoitu, Rev. Ngara Aratangi
- Proof reading - Marianna Mataio
- Printing at Takamoa for mailing - Tekura (Steak) Potoru
- Mailing/postage - Nga Mitiau-Manavaikai, Jimmy Metuakore

Comments on the format and presentation are most welcome; please send them to Nga Mataio.

Note from the Editor:

I apologise for the difficulties encountered by those on email when receiving newsletter no.10. This issue was sent in PDF form in the first instance as suggested by IT personnel due to its smaller size relative to sending in Word form. However, it seemed that almost everyone did not have the PDF capability on their machines, based on the dozens who responded saying that they cannot open the file. For this reason, the newsletter was sent out for the second time in Word form which I presume people were then able to open. Future issues starting with this no.11 will be sent in Word rather than PDF form. Any suggestions from anybody with an IT background on how things can be made easier as far as electronic distribution is concerned, I'd be interested to hear from you.